

[twitter.com/  
udc\\_gal](https://twitter.com/udc_gal)

[facebook.com/  
udc.gal](https://facebook.com/udc.gal)

**Benvida, benvido  
á túa universidade.  
Unha universidade  
moderna, innovadora  
e de calidade.**



UNIVERSIDADE DA CORUÑA

**Universidade  
da Coruña  
2018-2019.**

**Toda a información  
de utilidade para  
coñecer a túa  
universidade.**



Esta guía contén un resumo dos datos máis relevantes, que se pode ampliar mediante as ligazóns.

**03**  
**A Universidade da Coruña**

**03**  
**Órganos de goberno**

**04-05**  
**Estrutura e organización do ensino universitario**

**06**  
**Dereitos e deberes do estudantado**

**07**  
**Programas de intercambio universitario**

**08**  
**Formación complementaria**

**09**  
**Actividades culturais, deportivas e de cooperación**

**10-11**  
**Información, asesoramento e axuda**

**12**  
**Premios, bolsas e axudas**

**13**  
**Bibliotecas, aulas de estudo e tenda UDC**

**14**  
**Aloxamento, comedores e transporte**

**15**  
**Tecnoloxías da información e das comunicacións**

**16**  
**Seguro escolar**

**16**  
**Calendario académico 2018/2019**



## **A miña máis agarimosa benvida á túa universidade.**

Julio Abalde Alonso, reitor

Quer no campus da Coruña, quer no de Ferrol, vas pasar entre nós uns anos de formación académica, científica e técnica que, moi probablemente, serán determinantes no teu futuro persoal e profesional.

Benvido, benvida!

Nesta Guía do estudantado intentamos recoller toda a información que necesitas para coñecer como é e como funciona a túa universidade. Información sobre as titulacións e sobre a súa estrutura académica ou orientada á investigación.

E tamén información precisa sobre os teus dereitos e as túas obrigas; sobre bolsas, programas de intercambio, actividades culturais, deportivas e iniciativas de cooperación; sobre asesoramento, etc.

Agora formas parte dunha universidade nova, moderna e dinámica, que con pouco máis dun cuarto de século de vida foi quen de se configurar cun sólido perfil de calidade, innovación e vinculación co seu contorno social, cultural e económico. Contigo estamos outros 18.000 estudantes máis, preto de 1.500 profesores e profesoras e 750 traballadores e traballadoras de administración e servizos.

Agardo que esta guía sirva para facilitar a túa integración e para que poidas aproveitar mellor os moitos servizos que a Universidade da Coruña pon ao teu dispor. Estamos para che axudar e para te acompañar na túa andaina universitaria.

Benvida, benvido, pois, á túa universidade.

## A Universidade da Coruña creouse por lei o 20 de xullo de 1989.

Como servizo público, a Universidade da Coruña está aberta á sociedade e debe, en todo momento, buscar o proveito da cidadanía.

A súa implantación física nas cidades da Coruña e Ferrol xera unha necesidade de interrelación sociedade-universidade que na práctica esixe unha convivencia e unha colaboración mutua no desenvolvemento de ambas as realidades.

Nun marco territorial máis amplo, como parte do sistema universitario galego, a Universidade da Coruña mantén os vínculos máis estreitos co conxunto da sociedade galega, en que está inmersa, e a que a une o compromiso específico de desenvolver a súa identidade cultural.


## Órganos de goberno

**Os nosos fins prioritarios son impartir o ensino preciso para a formación do estudiantado, así como para a formación do persoal propio e do profesorado de todos os niveis de ensino, ademais de fomentar a investigación e difundir a cultura.**

# A Universidade da Coruña está na natureza, no mar e ao mesmo tempo na cidade; no centro dela estás ti.



## 2 campus

Campus da Coruña 

+

Campus de Ferrol 



## Centros

Facultades, escolas técnicas ou politécnicas superiores, escolas universitarias e escolas universitarias politécnicas



## Departamentos

Os centros están integrados por departamentos.



## Os estudos universitarios configúranse en tres ciclos: grao, mestrado e doutoramento.

O espazo europeo de educación superior é un sistema comparable de titulacións entre os países adheridos.

### + Normativa dos estudos de grao, mestrado e doutoramento



#### **Grao** +

Formación xeral  
240\* créditos ECTS  
(4 cursos x 60 créditos)  
\*A duración poderá ser superior, por exemplo Estudos de Arquitectura: 300 créditos.



#### **Mestrados** +

Formación especializada  
60-120 créditos ECTS  
(1 ou 2 cursos)



#### **Doutoramento** +

Orientado á investigación e á realización da tese de doutoramento.



#### **Escola Internacional de Doutoramento**

**A Universidade da Coruña organiza estudos de posgrao **+** propios en solitario ou en colaboración con outras institucións.**

**Os devanditos estudos conducen á obtención de títulos e diplomas exclusivos desta universidade e que non teñen carácter oficial.**

Os dous primeiros, pola carga lectiva, a duración e as características con que contan, conducen á obtención de títulos propios de posgrao. Os últimos, cunha menor carga lectiva e uns requirimentos de acceso máis flexibles, están orientados á formación continua ou á especialización en temas moi específicos, e acredítanse mediante un diploma universitario.

Os mestrados e os cursos de especialización ofertan bolsas de matrícula cuxo número e cuxa contía varían segundo o título.



**Os estudos de posgrao propios son de tres tipos:**

- +** mestrados, cursos de
- +** especialización e cursos de formación específica
- de posgrao. **+**

Ao comezo de cada curso a UDC informa da súa oferta de estudos propios de posgrao. **+**

## Dereitos e deberes do estudantado.

### Valedor Universitario +

É o órgano encargado de velar polo respecto dos dereitos e as liberdade do estudantado.

### Oficina de Igualdade +

O seu obxectivo é eliminar calquera mostra de discriminación de xénero dentro da comunidade universitaria.

O Estatuto do estudante + universitario, aprobado por Real decreto, é o documento legal en que se recoñecen os dereitos e deberes do estudantado das universidades públicas e privadas españolas, e por medio do cal se crea o Consello de Estudantes Universitario do Estado.

O Estatuto do Estudantado da Universidade da Coruña pretende suplir as lagoas normativas do catálogo básico de dereitos e deberes mencionado. O seu obxectivo prioritario é dotar o noso estudantado dunha verdadeira carta de dereitos e deberes en que se determinen os límites e garantías destes.

# Intercambio universitario.

## A oportunidade de realizar parte dos teus estudos noutras institucións españolas ou internacionais.

A Universidade da Coruña tenta que os beneficios destes programas recaian sobre o maior número posible de alumnos e alumnas, considerando sempre como a súa primeira meta a calidade da mobilidade.

### **Oficina de Relacións Internacionais** ORI

Informa, coordina e asesora sobre os diferentes proxectos e programas de intercambio de interese, europeos, iberoamericanos ou doutros ámbitos.

Prepara os convenios de relacións internacionais desta universidade e fai o seu seguimento.

[Actualidade da ORI](#)



### **Sicue**

Programa de intercambio de estudiantado entre os centros universitarios españois. As universidades adoitan publicar a convocatoria aproximadamente entre finais de xaneiro e mediados de febreiro do ano en curso.

### **Información e solicitude**



### **Erasmus**

Permite a mobilidade internacional. Existen dúas modalidades:

1 Erasmus con fins de estudo: Para realizar parte dos teus estudos noutra universidade ou institución coa cal exista un acordo Erasmus.

2 Erasmus prácticas: Para o alumnado que aínda non rematou os seus estudos ou que se acaba de titular. Debe solicitarse durante o último ano de estudo, coa finalidade de realizar a mobilidade no curso seguinte.

A [convocatoria](#) publícase anualmente.



### **Intercambio bilateral**

Estadías con fins de estudo en calquera universidade do mundo con que exista un convenio de intercambio bilateral, fóra especificamente do programa Erasmus.

A Universidade da Coruña conta con bolsas propias para o estudiantado de intercambio bilateral. O criterio principal de selección das persoas bolseiras é o expediente académico. As bolsas que outros organismos públicos e privados poden ofrecer para o estudiantado de intercambio bilateral acostuman ser incompatibles coas bolsas propias desta universidade.

A [convocatoria](#) publícase anualmente.



### **International Summer School**

Cursos intensivos de tres semanas impartidos en inglés por profesores universitarios de recoñecido prestixio nos seus respectivos campos de investigación. Son cursos de 4,5 créditos ECTS, que poderán ser validados por cursos opcionais específicos nalgúns títulos oficiais acreditados de grao ou mestrado da Universidade da Coruña.

# Formación complementaria.

## **Aula de Formación + Informática** AFI

Realiza cursos destinados a completar os coñecementos académicos sobre as novas tecnoloxías de todo o alumnado. A oferta de cursos publícase ao comezo de cada cuadrimestre.

## **Centro de Linguas +**

Organiza cursos de inglés, francés, alemán, italiano e portugués que serven para consolidar ou mellorar os teus coñecementos en linguas. Os cursos están organizados segundo os niveis do Marco Común Europeo das linguas. A maioría dos cursos son de 60 ou de 45 h dependendo dos niveis ou das linguas. Alén diso, ofrecemos cursos de español dirixidos ao estudiantado de mobilidade internacional. No Centro de Linguas tamén poderás obter acreditacións oficiais en inglés (ACLES, IELTS e APTIS)

## **Centro Universitario de + Formación e Innovación Educativa** CUFIE

Organiza cursos e obradoiros que teñen como finalidade proporcionar os recursos necesarios para afrontar en mellores condicións os retos do ensino universitario. Entre outros, atoparás aquí cursos sobre técnicas de relaxación e saúde, traballo en equipo e dinámicas de grupo, habilidades sociais, servizos da Universidade da Coruña, cuestións xurídico-administrativas, xestión eficaz do tempo, técnicas de exposición oral, técnicas de traballo e estudo, realización de traballos de investigación, utilización da Internet como apoio para a formación, etc. Normalmente desenvólvense entre os meses de outubro e maio.

## **Oficina de Cursos + e Congresos** OCC

Xestiona toda a información sobre os cursos de verán, os congresos, os simposios, as xornadas e as conferencias que se organizan na Universidade da Coruña.



## Tes múltiples posibilidades para complementar a túa formación académica mediante cursos e actividades.

Os cursos impartidos pola AFI, o Centro de Linguas, o CUFIE e a OCC poderán ser recoñecidos nos graos como créditos por participación en actividades universitarias conforme ao [acordo do Consello de Goberno do 17/07/2012, modificado o 21/07/2016 e resolución reitoral do 16/10/2017](#).



# Actividades culturais, deportivas e de cooperación.

## Deportes

Convivencia e exercicio físico, individual ou como partícipe das ligas internas e en competicións de alto nivel, é o binomio que a Universidade da Coruña propón desde a súa Área de Deportes como vía para a interrelación do estudiantado e a súa implicación e integración na comunidade universitaria. A subscrición ao Abono Deporte permite, ademais, o acceso gratuito ás instalacións, así como importantes descontos nas actividades deportivas.

[Abono Deporte](#) 

[Oferta deportiva](#) 


## A educación vai máis aló das aulas e os laboratorios.


## Cultura


A Universidade da Coruña aposta por estender a cultura dentro e fóra do seu seo, implicarse na vida cidadá e intervir de xeito expansivo no enriquecemento cultural da sociedade.

No campus da Coruña as accións encamiñadas a acadar este reto vehicúlanse a través da NORMAL, un espazo de intervención cultural e un laboratorio experimental de procesos artísticos vinculados á contemporaneidade.

No Campus de Ferrol encóntrase o Centro Cultural Universitario de Esteiro

[Oferta de NORMAL](#) 

[Oferta cultural](#) 

As actividades impartidas polas áreas de Cultura e Deportes, a OCV, o CEIDA e a OMA poderán obter un [recoñecemento académico](#)  de, polo menos, 6 créditos ECTS.


## Cooperación e voluntariado

A [Oficina Cooperación e Voluntariado](#) (OCV) traballa en programas de cooperación cos países en vías de desenvolvemento e realiza tarefas de voluntariado social.


## Medio ambiente

A [Oficina de Medio Ambiente](#) (OMA) coordina e realiza diferentes actuacións de avaliación, información e divulgación ambiental nos campus, relacionados coa xestión e a sustentabilidade ambiental (plan de mobilidade sustentable, auditoría e plan de eficiencia enerxética, xestión sustentable de restos orgánicos e augas residuais, implantación dunha recollida selectiva avanzada de refugallos, Proxecto Sostauga), urbanismo sustentable, restauración forestal, agrícola e paixasística, etc.

## CEIDA, patrimonio natural, histórico e cultural

O [Centro de Extensión Universitaria e Divulgación Ambiental de Galicia](#)  (CEIDA) ten como misión dar a coñecer o noso patrimonio natural, histórico e cultural. É ademais un lugar de encontro e de reflexión sobre os problemas ambientais por medio de cursos, xornadas, conferencias, obradoiros, programas de educación ambiental e seminarios, sen esquecer o labor de divulgación ambiental que se realiza desde o Centro de Documentación Ambiental Domingo Quiroga, que forma parte do CEIDA. A situación ambiental analízase nas súas variadas facetas nas áreas de traballo do CEIDA, como Conservación, Medio Mariño, Cambio Climático, Forestal, Municipal ou Cooperación, desde as cales se contribúe a espertar a conciencia individual e colectiva da necesidade de cambio de actitudes cara ao medio ambiente.

Atendemos as necesidades que che poidan xurdir no teu paso pola universidade.




O Servizo de Asesoramento e Promoción do Estudiantado (SAPE) ofrece información sobre un amplo abano de aspectos da vida universitaria: acceso aos estudos universitarios e titulacións de grao e posgrao; normativa académica; premios, bolsas e axudas; centros e servizos da UDC; cursos, xornadas e congresos; programas de intercambio; asociacionismo; actividades deportivas, culturais e de cooperación e voluntariado; aloxamento universitario e transporte; carnés xuvenís, etc.

Así mesmo, A Unidade de Emprego <sup>+</sup> pode asesorarte, tanto se aínda estás estudando como se te acabas de titular, en materia de orientación laboral e emprendemento.

**<sup>+</sup> Sape, o servizo de referencia.**

**Información, asesoramento e axuda.**



# Diferentes servizos para atender situacións que precisan dunha atención diferenciada.

Nos centros tamén contas con información e apoio e un titor.



## A Unidade Universitaria de Atención á Diversidade ADI

O seu cometido é facilitar e promover a plena integración do alumnado que presente algún tipo de discapacidade física, psíquica ou sensorial. A UDC reserva o 5 % das prazas en cada titulación para estudantes que teñan certificada unha discapacidade.

## Plan de acción tutorial PAT

Desde que comezas os estudos podes contar cunha persoa de referencia (titora ou titor) que ten como misión informarte, apoiarte e orientarte en distintos ámbitos: académico, administrativo, profesional, persoal e social.

Na web da escola ou facultade en que estudas atoparás máis información sobre o PAT da túa titulación.

## Observatorio Ocupacional

Non só temos a misión de formarte, senón tamén de garantir a túa empregabilidade. Nesta unidade de estudos económicos e estatísticos analízase a inserción laboral dos graduados universitarios fundamentalmente a través do seguimento dos titulados e da análise das súas competencias profesionais.

## Viveiro de Empresas de Base Tecnolóxica

Préstalles apoio ás iniciativas empresariais de base tecnolóxica que xorden no seo comunidade universitaria e favorece a súa posta en marcha e a súa entrada no mercado.

Está situado no Edificio de Servizos Centrais de Investigación e dispón de seis locais equipados con acceso á rede, ademais de salas para presentacións e reunións e outros servizos comúns.

## Servizo de Normalización Lingüística SNL

Ofrece asesoramento (resolución de dúbidas lingüísticas, revisión de textos, información sobre dereitos lingüísticos e sobre actividades de promoción do galego, etc.) e cursos de formación en lingua galega, ademais de organizar diferentes actividades de promoción de uso do galego entre o profesorado, o estudante e o persoal de administración e servizos.

Entre elas, convoca anualmente axudas para a realización en galego de traballos de investigación (teses de doutoramento, traballos de fin de mestrado, traballos de fin de grao e proxectos de fin de carreira).

## Premios, bolsas e axudas.

Ofrecemos todas as bolsas e axudas posibles para que estudares non sexa un problema.

- + [Bolsas propias da Universidade da Coruña](#)
- + [Bolsas da Consellería de Consellería de Educación, Universidade e Formación Profesional](#)
- + [Bolsas do Ministerio de Educación e Formación Profesional](#)



## Bolsas, axudas e premios propios da Universidade da Coruña.

- + As [convocatorias](#) publícanse ao longo de todo o ano e abranguen diversos ámbitos de actuación: premios á excelencia académica no bacharelato; axudas para estudantes gañadores de olimpíadas científicas; bolsas para estudos de mestrado e formación complementaria, ademais de necesidades educativas especiais; situacións de dificultade económica; axudas para estudiantado con necesidades educativas especiais, aloxamento e transporte urbano; mobilidade e actividades prácticas; asistencia a xornadas, cursos e congresos; actividades de divulgación científica; estadias predoutorais, etc.



## Bibliotecas.

[Catálogo](#)

[Servizos](#)

A Universidade da Coruña dispón de 3.437 postos de lectura entre todas as súas bibliotecas. A Biblioteca Universitaria é unha unidade funcional de apoio ao estudo, á docencia e á investigación en que se organizan, procesan, custodian e se poñen á disposición dos usuarios todos os fondos documentais da nosa universidade.

Este servizo está constituído pola Biblioteca Central, situada no Edificio Xoana Capdevielle (campus de Elviña), a Biblioteca da Casa do Patín (campus de Ferrol) e as bibliotecas dos centros.

## Aulas de estudo.

A Universidade da Coruña conta cun total de 1.546 postos de estudo. Os horarios das aulas de estudo varían ao longo do curso para se adaptaren ás necesidades do estudiantado. Existe un horario ampliado nos períodos de preparación dos exames oficiais.

Na Coruña, atoparalos no Centro Universitario de Riazor (CUR), cunha capacidade de 444 postos repartidos en dúas aulas; e no Edificio Xoana Capdevielle (campus de Elviña), cuxa aula de estudo ten unha capacidade de 678 postos.

En Ferrol, as aulas de estudo, que son dúas e suman 424 prazas en total, están no Edificio de Apoio ao Estudo.

[Máis información](#)

**Tenda UDC.**

A Universidade da Coruña pon ao teu alcance artigos propios como suadoiros ou camisetas coa nosa insignia coas maiores garantías de calidade. Os produtos recóllense no SAPE, na Coruña ou en Ferrol.

# Aloxamento, comedores e transporte.



## Aloxamento

**Axudas da Universidade da Coruña.** A convocatoria [+](#) publícase ao inicio do curso académico.

### Residencia Pública Universitaria Elvira Bao (A Coruña)

[+](#) Consulta no SAPE todas as novidades ao respecto.

### Residencia Pública Universitaria (Ferrol)

[+](#) A convocatoria de prazas nas residencias públicas universitarias publícase nos meses de xuño/xullo.

### [+](#) Outras residencias

[+](#) **Programa Comparte** da Universidade e o Concello de Ferrol. O seu obxectivo é social e solidario xa que pretende responder tanto ás necesidades de compañía e apoio das persoas maiores como ás necesidades de aloxamento do estudiantado universitario.



## Comedores

No campus da Coruña existe servizo de comedor con prezos reducidos en todas as facultades. Ademais, no comedor da Escola Universitaria de Arquitectura Técnica as persoas alérxicas ao glute teñen un menú adaptado á súa dieta.

No campus de Ferrol hai un comedor común a todos os centros no Centro Cultural Universitario.

Este curso académico está previsto a publicación dunha convocatoria de axudas de comedor.



## Transporte

A Universidade da Coruña convoca [+](#) axudas para o transporte urbano na cidade da Coruña e para as áreas de transporte metropolitano da Coruña e Ferrol destinadas ao alumnado matriculado nunha titulación oficial. A convocatoria [+](#) acostuma publicarse en setembro.

Na Coruña, en colaboración coa [+](#) Compañía de Tranvías, a nosa universidade estableceu un servizo especial de autobuses urbanos que achegan o estudiantado aos diferentes campus.



En Ferrol hai varias compañías de autobuses con rutas que unen os diferentes puntos do concello entre si e cos concellos limítrofes. Na páxina web do Concello de Ferrol pódense atopar [+](#) as liñas e os horarios.

O Concello de Narón convoca [+](#) axudas para a [+](#) bonobus universitario ao Campus da Coruña.

## Campus Virtual

+ O **campus virtual** facilita e incrementa a comunicación entre os e as docentes e o alumnado. Constitúe un instrumento básico de apoio ao ensino presencial.

Non só che permitirá obter materiais actualizados ou contactar con esa profesora ou ese profesor, senón que che será posible preparar

por anticipado as aulas presenciais, compartir e debater co resto do grupo e dispor de exercidos de avaliación. De feito, moitas das materias que se cursan na nosa universidade xa empregan esta potente ferramenta.



## Tecnoloxías da información e as comunicacións.

## Secretaría virtual

A **secretaría virtual** + facilítache o acceso ao teu expediente académico e aos datos persoais teus de que dispón a Universidade da Coruña.

Durante o período de matrícula, podes utilizala para levar a cabo a auto-matrícula. Así mesmo, é aquí onde se configura o envío de cualificacións a través de SMS.

## Servizos TIC

Terás que rexistrarte na **páxina de activación de servizos** + para poder usar os servizos TIC a que che dará acceso a Universidade da Coruña:

- **Webmail** +
- **Acceso á rede wifi** +
- **Wiki corporativa** +
- **Web corporativa** +
- **Tarxeta universitaria intelixente** +
- **Solicitud de axudas e bolsas propias** +
- **Puntos de información** +
- **Avaliación docente** +
- **Licenza de campus de software** +
- **Catálogo da biblioteca** +
- **Repositorio** +
- **Acceso ás AulasNET**
- **Cualificacións por SMS**

Hai dúas maneiras de rexistrarse:

- O alumnado novo, no momento de formalizar a matrícula, recibe un código que deberá introducir na páxina de activación dos servizos. Logo seguirá os pasos da ligazón “Novo membro da UDC”.
- O resto do alumnado ten que seguir os pasos da ligazón “Usuario existente”

## Tarxeta de identificación universitaria

A **tarxeta de identificación universitaria** (TIU) + é unha tarxeta intelixente que te acredita como membro da comunidade universitaria. Debes solicitala durante os períodos de matrícula en calquera oficina do Banco Santander.


Velaquí algunhas das súas utilidades:

- Emprégase como carné universitario.
- Conseguirás descontos nalgúns comercios.
- Accederás ao préstamo bibliotecario.
- Servirache para utilizar algunhas instalacións universitarias restrinxidas (por exemplo, deportivas) e aulas de estudo.
- Con carácter opcional, logo de o solicitar, funciona como tarxeta 4B.
- Poderás consultar o expediente académico en calquera caixeiro da rede 4B.

## Seguro escolar


Ao matricularse nunha titulación oficial da Universidade da Coruña, o estudiantado pode contar coa prestación dos seguintes seguros de asistencia:

- O seguro escolar obrigatorio, que se paga coa matrícula, para o alumnado menor de 28 anos.
- O seguro Hac Luce Accidentes, obrigatorio para para maiores de 28 anos e para o alumnado que realiza prácticas académicas externas, actividades deportivas, culturais e sociais etc.
- O seguro Hac Luce Mobilidade, para o alumnado que viaxa ao estranxeiro mediante un programa de intercambio internacional.

[Máis información](#) 

## Calendario académico

O curso académico irá do 10 de setembro de 2018 ao 31 de agosto de 2019.

[Calendario](#) 

## Portal de participación

A universidade que queres será a universidade que queiras.

Existen comunidades gobernadas directamente polos seus participantes, que debaten sobre temas que lles preocupan, propoñen ideas para mellorar as súas vidas e deciden entre todas e todos as que se levan a cabo.

[Máis información](#) 